

Innspel til arealplan for Alver kommune

Mi tilknytning til Alver kommune

Eg er fødd og oppvaksen i Myking i gamle Lindås kommune. I det meste av mitt vaksne liv har eg butt i Bergen, mest i Åsane. Men eg har hatt sterk tilknytning til heimbygda og heimekommunen det meste av livet; spesielt ved at eg har hytta og bruket på Bjørnevoll. Eg har også hatt glede av å fylgja med kva som rører seg i heimekommunen, spesielt i Lindås der eg er best kjend.

Natur og naturmangfold

Alver kommune har ei rik og variert natur. Biotypar frå havet, kysten, låglandet, lier og fjellet Dette gjev grunn for eit solid og rikt naturmangfold som det er viktig å ta vare på for oss som lever i dag og for komande generasjonar . Dei siste åra har det gått tilbake med einskilde artar, mest fuglar. Det er ofte vanskeleg å finna årsakene til dette, men i så langt det er råd bør aktivitetar som bygging og samferdsel ta omsyn til dyrelivet på alle plan. Dette kan vere vanskeleg å gjennomføre, og det manglar ofte ein del kunnskap, men det bør vere eit sjølv sagt moment at all slik aktivitet bør ta omsyn til naturen og dermed til naturmangfoldet så langt som råd er.

Matproduksjon

I dei delane av Alver som eg kjenne best, er det få gardar som i dag har intensiv drift og dermed liten matproduksjon. Dette er forståeleg fordi gardane jamt over er små, og driftbygningane også små og ikkje tilpassa moderne drift. Vi veit ikkje kor framtida vil bli med omsyn på matproduksjon, men både nasjonalt og internasjonalt er det tydelege teikn på at det vil krevjast høgare produksjon i framtida. Mange av bruka som ligg brakk eller har liten produksjon i dag, kan sikkert bli meir produktive ved ulike former for sambruk. Dette kan også gjere det lønsamt å bygge nye driftsbygningar som er tilrettelagde for sambruksproduksjon. Dette er litt spekulative tankar, men slik verdssitasjonen ser ut til å utvikle seg, vil det sikkert bli trong for meir matproduksjon , også på lokalt nivå. Eg er ikkje i tvil om at den lokale jorda kan produsere langt meir matvarer enn tilfellet er i dag. Arealplanen bør ta omsyn til dette sjølv om vi i dag ikkje veit i kva retning utviklinga vil gå,

Fiskeoppdrett

Eg var med på utvikling av oppdrett av laksefisk ved Havforskningsinstituttet i 1960-åra og utover. Vi såg dette som ei næring i utvikling som vi rekna med skulle styrkje økonomi og produksjon langs kysten. Men vi tenkte ikkje i vår villaste fantasi at denne næringa skulle få eit slikt omfang som den har fått. Eg forstår det slik at i Alver er det ulike syn på oppdrettsnæringa. Dei viktigaste negative sidene er forureining, spreiding av parasitten lakselus og til ein viss grad tilgang på næring på kort og lang sikt. Etter mitt syn er det vesentleg at næringa i framtida kan bli ståande minst på same omfang som i dag, men det krev kunnskap som kan redusere dei negative sidene. Oppdrett på land har eg lita tru på, både av økonomiske og arealmessige grunnar. Derimot er det viktig å kunne ta i bruk tette merdar (jfr. «Egget») slik at ein unngår forureininga og hindre luselarvane å kome inn. Ei litt enklare løysing kan vere slamsuging for å få opp forureinsingane frå vanlege merdar, og i og med at luselarvane held seg i øvre del av vassyta, kan det brukast småmaska eller tette «skjørt» langs øvre del av merdane slik at larvane ikkje kjem inn til fisken. Forureiningar frå laksemerdar, opne eller tette, kan vere råstoff for å produsere naturgass, ei vare som kan bli spesielt verdifull i framtida.

Bygging og samferdsel

Alver kommune er bynær, og ein må derfor rekne med at folketalet vil auke, spesielt i deler av kommunen. Difor bør planutvalget leggje til grunn ein politikk som ivaretek det som her er nemnt om naturmangfall og matproduksjon. Energi kan bli eit problem. Eg ser ikkje vindkraft på land som ei løysing for å tilfredsstille energikrava. Vindkraft på sjøen kan vere ei løysing dersom denne metoden gir dei resultat som er venta, noko som vil vise seg etter kvart. Vidare utbygging av vasskraft synest lite aktuelt bortsett frå at det kan ha ein positiv effekt å fornye og effektivisere eldre utstyr i noverande stasjonar. Direkte solkraft bør kunne brukast, men det er vanskeleg å vurdere her og no kor effektiv denne metoden er i våre område. Dette bør utgreiast i rimeleg stort omfang.

Vegar og vegbygging er viktig i Alver. Eg har forstått det slik at det har vore mykje misnøye med bygdevegane i Alver. Planutvalet bør derfor priorite å bygdevegane i heile kommunen, slik at alle får tilfredsstillande standard på vegane sine. Kravet om å verne naturmangfaldet og matjorda kjem sjølvstøtt inn her. Når det gjeld Fylkes- og riksvegane gjeld også kravet om vern av naturen og matjorda. Fire felts vegar bør berre byggjast der det er eit klart og synleg behov for det. Firefeltsvegar vil som regel gå ut over naturen, matjorda og i tillegg bustadsbygging.

Kulturhistorie

Mange ihuga personar har samla materiale , både som skrifter munnleg overføring og gjenstandar, for å kartlegge kulturhistoria for bygdene våre Dette treng plass. Det som manglar er eit felles museum for heile Norhordland, og det vil vere ei oppgåve for planutvalget å finne ei løysing på dette slik at kulturhistoria til bygdene våre kan presenterast både ved gjenstandar, skriftlege kjelder og muntleg overføring.

Mvh; Gunnar Nævdal

<Barkaleitet 23

5115 Ulset

Telefon 91565938